



Txoj Cai Kom Mus Ua Hauj Lwm rau Cov Muaj Hnub Nyoog 18 mus txog 49 Xyoos THE WORK REQUIREMENT FOR ADULTS AGES 18 THROUGH 49

Txoj cai kom mus ua hauj lwm rau cov muaj hnub nyoog 18 txog 49 xyoos yog dab tsi?

Nws yog tsoom fww txoj cai kom FoodShare ib cov tswv cuab ua kom tau raws li no xwv thiaj tau txais FoodShare cov nyiaj pab mus ntxiv. Txoj cai no raug rau cov muaj hnub nyoog 18 txog 49 xyoos uas tsis muaj ib tus me nyuam uas tsis tau muaj 18 xyoos nyob hauv lawv lub tsev thiab tsis muaj ib qhov kev zam rau.

Yua ua li cas kuv thiaj ua tau raws li txoj cai kom mus ua hauj lwm?

Nws muaj peb txoj kev kom ua tau raws li txoj cai kom mus ua hauj lwm:

1. Ua hauj lwm tsawg kawg 80 xuaj moos txhua hli.
2. Mus koom rau hauv ib txoj kev pab kom tau hauj lwm ua tsawg kawg 80 xuaj moos txhua hli, xws li:
 - FoodShare Kev Ua Hauj Lwm thiab Kev Cob Qhia (FSET).
 - Wisconsin Works (W-2).
 - Qee yam kev pab cuam hauv Workforce Innovation and Opportunity Act (WIOA).
3. Ua hauj lwm thiab koom rau hauv ib qho kev pab kom tau hauj lwm ua ob qho tib si los sib ntxiv kom tau tsawg kawg 80 xuaj moos txhua hli.

Yog tias kuv yog ib tus neeg muaj hnub nyoog es yuav tau ua hauj lwm raws li txoj cai kom mus, thaum twg thiaj yog thaum uas kuv yuav tau pib kom ua tau raws li ntawd?

Koj yuav taum pib ua kom tau raws li txoj cai kom mus ua hauj lwm hauv thawj lub hlis uas koj tau txais FoodShare cov nyiaj pab. Thaum pom zoo muab kev pab rau FoodShare daim ntawv thov lawm, txhua tus neeg nyob hauv daim

ntawv thov uas yuav tau ua hauj lwm raws li kom mus yuav cia li tau txais ib daim ntawv xa mus rau qhov kev pab cuam FSET.

Leej twg ntawm cov uas muaj hnub nyoog 18 txog 49 xyoos thiaj raug zam rau los ntawm txoj cai kom mus ua hauj lwm?

Koj yuav zam tau thiab tsis tau ua raws li txoj cai kom mus ua hauj lwm yog ib qhov twg ntawm cov lus hauv qab no uas muaj tseeb:

- Koj nyob nrog ib tus me nyuam tsis tau muaj 18 xyoos, uas yog ib tus ntawm FoodShare tib tsev neeg.
- Koj yog thawj tus neeg muab kev pab tu (caretaker) rau ib tus neeg uas nws tu tsis tau nws tus kheej.
- Koj yog thawj tus neeg muab kev pab tu (caretaker) rau ib tus me nyuam uas tseem tos lwm tus pab tsis tau muaj 6 xyoos.
- Koj lub cev thiab lub tswv yim ua rau koj tsis muaj peev xwm ua tau hauj lwm. Qhov no muaj qhov tsis muaj tsev nyob los lawm ntev. Tsis muaj tsev nyob los lawm ntev txhais tau tias koj yuav tsis muaj ib lub chaw nyob chaw pw rau 30 hmo tom ntej.
- Koj cev xeeb tub lawm.
- Koj tab tom tau txais los yog tau ua ntawv thov nyiaj poob hauj lwm.
- Koj tab tom mus koom rau ib qho kev pab txiav kev quav dej quav cawv los yog lwm yam yeeb tshuaj (AODA) los yog pab kom rov peem tsheej taus li qub.
- Koj mus kawm ntawv hauv ib lub tsev kawm ntawv qib siab tsawg kawg ib nrab sij hawm (half-time).
- Koj yog ib tus muaj hnub nyoog 18 xyoos los yog tshaj saud, kawm high school tsawg kawg ib nrab sij hawm (half-time).

- Koj rau npe rau hauv W-2 thiab ua raws li W-2 cov cai.
- Koj ua hauj lwm 30 xuj moos los yog ntau dua tauj ib lim piam (week) thiab tau nyiaj npaum li 30 xuj moos los yog ntau dua tauj ib lim piam nyob rau ntawm tsoom fww tus ciam them nyiaj tsawg tshaj plaws (federal minimum wage).
- Koj nyob rau cheeb tsam tau zam kev poob hauj lwm coob heev los sis yog ib tug neeg pawg qhab los sis cheeb tsam chaw zwm tseg uas tau zam kev poob hauj lwm coob heev. Xav paub cov cheeb tsam chaw thiab cov av xyeej rau pawg neeg qhab los sis cheeb tsam zwm tseg rau pawg neeg qhab, mus rau www.dhs.wisconsin.gov/fset/exemptions.htm.

Lus nco cia: Tej zaum koj yuav tau muab ntawv ua pov thawj tias koj muaj raws li txoj cai zam rau koj.

Yog tias kuv ua tsis tau raws li txoj cai kom mus ua hauj lwm ne?

Yog koj xav kom ua tau raws li txoj cai kom mus ua hauj lwm thiab koj ua tsis tau li ntawd, tej zaum koj yuav tau txais peb lub hlis FoodShare cov nyiaj pab hauv ib lub sij hawm 36-lub hlis (peb xyoos) xwb. Kom tau txais FoodShare cov nyiaj pab tom qab peb lub hlis ntawd, koj yuav tsum muaj raws li txoj cai kom mus ua hauj lwm, muaj raws li qhov zam rau koj, los yog nyob tos kom txog rau thaum lub sij hawm 36-lub hlis mus dhau lawm.

Ua li cas kuv thiab tau kev pab kom ua tau raws li txoj cai kom mus ua hauj lwm?

Yuav muab koj xa mus rau FSET qhov kev pab cuam thaum koj ua ntawv rov qab thov FoodShare cov nyiaj pab dua tshiab yog tias koj xav kom ua tau raws li txoj cai kom mus ua hauj lwm thiab koj tseem npaj tsis tau mus ua hauj lwm los yog tseem koom rau hauv ib qho kev pab mus ua hauj lwm tsawg kawg 80 xuj moos txhua hli, los yog ob qho tib si los sib ntxiv ua ke.

FSET yuav pab tau koj kom ua tau raws li txoj cai kom mus ua hauj lwm. FSET muaj cov kev pab tsis tau them nyiaj los mus pab koj txhim kho koj tej kev txawj mus ua hauj lwm thiab kom nrhiav tau hauj lwm ua.

Yog xav paub ntxiv txog FoodShare los yog FSET qhov kev pab cuam:

- Mus rau ntawm www.dhs.wisconsin.gov/foodshare/index.htm.
- Hu rau lub chaw ua hauj lwm hauv koj lub zos.

Yog xav nrhiav kom tau lub chaw ua hauj lwm koj mus rau ntawm www.dhs.wisconsin.gov/forwardhealth/resources.htm, mus saib phab ntawv 2 ntawm daim ntawv no, los yog hu rau tus xov tooj Pab Cov Tswv Cuab ntawm 800-362-3002 (muaj TTY thiab cov kev pab txhais lus).



Lub Khoos Kas Pab Txhawb Khoom Noj Zoo (Supplemental Nutrition Assistance Program, SNAP) thiab Kev Muab Khoom Noj Faib rau Cov Neeg Is Dias Uas Raug Pov Thaiv (FDPIR) ntawm cov chaw ua hauj lwm hauv lub lav los sis hauvcheeb tsam thiab lawv cov neeg txais kev pab yuav tsum muab Cov Ntaub Ntawv Hais Txog Qhov Tsis Muaj Kev Ntxub Ntxaug hauv qab no tshaj tawm:

Raws li tsoom hwy teb chaws txoj cai lij choj hais txog cov cai pej xeeb thiab Teb Chaws Meskas Feem Hauj Lwm Saib Xyuas Kev Ua Qoob Loo (US Department of Agriculture, USDA) cov kev cai thiab cov cai hais txog cai pej xeeb, lub chaw ua hauj lwm no raug txwv tsis pub muaj kev ntxub ntxaug vim yog saib raws haiv neeg, xim tawv nqaij, lub teb chaws yug, poj niam los sis txiv neej (xws li kev txheeb qhia tias yog poj niam los txiv neej thiab kev nyiam rau fab kev sib daj sib deev), kev ntseeg dab qhuas, kev xiam oob qhab, hnub nyoog, kev ntseeg kam nom kam tswv, los sis kev pauj kua zaub ntsuab los sis kev ua pauj rau kev sawv nqua hu cov cai pej xeeb yav ua ntej.

Lub khoos kas no cov ntaub ntawv kuj yuav muaj ua lwm hom lus uas tsis yog lus Askiv thiab. Cov neeg xiam oob qhab uas xav tau lwm txoj hauv kev sib txuas lus los txais lub khoos kas no cov ntaub ntawv (xws li Cov Ntawv Rau Neeg Dig Muag, cov ntawv luam ua tus ntawv loj, cov suab kaw lus, Hom Lus Piav Tes Meskas, thiab lwm yam) yuav tsum tiv tauj rau lub chaw ua hauj lwm (lub lav los sis hauv cheeb tsam) raws li qhov chaw uas lawv ua ntawv thov cov nyiaj pab. Cov neeg lag ntseg, hnub lus tsis zoo los sis hais tsis tau lus zoo, tuaj yeem tiv tauj rau USDA dhau los ntawm Federal Relay Service ntawm tus xov tooj (800) 877-8339.

Txhawm rau ua daim ntawv tsis txaus siab txog kev ntxub ntxaug hauv lub khoos kas, Tus Neeg Tsis Txaus Siab yuav tsum ua kom tiav Daim Foos AD-3027, USDA Daim Foos Hais Kev Tsis Txaus Siab Hauv Lub Khoos Kas uas yog tuaj yeem mus muab tau nyob hauv online ntawm: <https://www.fns.usda.gov/sites/default/files/resource-files/ad3027-hmong.pdf>, muab los ntawm USDA txhua lub chaw ua hauj lwm, los ntawm kev hu rau tus xov tooj (833) 620-1071, los sis yog los ntawm kev sau ntawv rau USDA qhov chaw nyob. Tsab ntawv yuav tsum muaj tus neeg tsis txaus siab lub npe, chaw nyob, nab npawb xov tooj, thiab sau cov lus piav qhia qhov kev ntxub ntxaug uas koj tau iab liam kom ntxaws txaus los qhia rau Tus Tub Tuav Ntaub Ntawv Pab rau Cov Cai Pej Xeeb (Assistant Secretary for Civil Rights, ASCR) hais txog qhov xwm txheej thiab hnub tim uas muaj qhov kev yuam cov cai pej xeeb uas raug iab liam ntawd tshwm sim. Yuav tsum muab daim foos AD-3027 los sis tsab ntawv uas sau tiav lawm xa mus rau:

- (1) **xa pais xab nis:**
Food and Nutrition Service, USDA
1320 Braddock Place, Room 334
Alexandria, VA 22314; los sis
- (2) **fev:**
(833)-256-1665 los sis (202)-690-7442; los sis
- (3) **xa email:**
FNSCIVILRIGHTSCOMPLAINTS@usda.gov

Lub chaw ua hauj lwm no yog ib lub chaw uas muaj vaj huam sib luag.